



Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Cap. 7. An ideò D. Iosephus Pater Christi quia ipsum nutritum ac si Filius suus fuisset?

urn:nbn:de:hbz:466:1-38500

Pater ejus & Mater mirantes super his quae dicebantur de illo : ait, Cum igitur ipse narret, non ex concubitu Iosephi, sed ex Maria Virgine natum Christum, unde eum Parentem eius appellat? nisi quia & virum Marie recte intelligimus sine commixtione carnis ipsa copulatione Coniugii, & ob hoc etiam Christi Patrem multò coniunctivè qui ex eius Coniuge natus sit, quam si ei esset alius adoptatus.

VIII. Non placet etiam secunda explicatio hujus Paternitatis per adoptionem ab ipso Christo factam de Divo Josepho in Patrem suum. Primo, quia gratis & nimis voluntariè fingitur : maximè vero quod cum ab æterno electus esset efficaciter, non à Patre solum, sed etiam ab ipso filio, ut esset Pater suus in tempore, ista æterna electio & prædestination id totum præstiterat quod illa conficta adoptio præstare posset. Secundo, quia cum ante illam adoptionem Christus esset conceptus in uxore suâ Beatâ Deiparâ nullatenus a se divisâ, sed sibi inviolabiliter in fide conjugali conjunctâ, consequenter ex tunc, adeoque ante illam adoptionem iure conjugii erat illius Pater, ideoque jus paternum habebat in illum, & vicissim Christus jus filiale in Divum Josephum ad omnia officia & obligaciones Patris : fuisset ergo illa adoptio semper minor hoc præacto priore vinculo.

CAPUT VII.

An ideo Divus Josephus Pater Christi, quia ipsum nutritivit ac si Filius suus fuisset?

I. Unde Divus Josephus Christi fuerit nutritius nulli dubium est: Quod ad hoc ab æterno electus sit à Deo, quodque de facto illum ab utero matris in se projectum reverentissimè exceperit, follicitissimè curat, peramantissimè aluerit, quo usque ejus opera & curâ nō amplius indigere voluit manifestum est, idque majori amore, curâ, follicitudi-

ne, diligentia, & pietate incomparabiliter, quam ullus Pater etiam carnis suam prolem, utpote prolem divinam à Deo ad suam totiusque mundi salutem demissam, suæque fiduci & curæ, inconceptibili & ineffabili dignatione, commissam: Voluit, inquit noster Christophorus Avendano Serm. do Sancto Iosepho §. 3. Interprete R. P. Joanne Freyerlinck Ord. Præd. Spiritus sanctus cum Divo Iosepho partiri opus Incarnationis. Fecit enim cum Divo Iosepho ut facit urbs Veneta, quæ constructa est in aquis. Respublika illa ædificat id quod est sub aquis, civis autem quod supra eminet in præjectis fundamentis excitat. Sic Spiritus sanctus cum Divo Iosepho divisit opus Incarnationis. Quod ergo in occulto uteri virginis faciendum erat, hoc Spiritus sanctus operatus est construens humanitatis fabricam, ut propere Beatissima Virgo, Arnaldo Carnotensi in lib. de Laudib. Virginis dicta sit Officina Spiritus sancti: hoc autem facto cœpit Sanctus Patriarcha suam operam ad illum adhibere, facram illum humanitatem de suo aere, ut paulatim exurget fabrica corporis futuri lytrum nostræ Redemptoris. Hec famosus ille Catholici Hispaniarum Regis Ecclesiastes ordinarius. Quare cum ei qui se tibi exhibet ut Patrem, vicissim ei te ut filium exhibere oporteat, hinc Divum Josephum Christi Patrem dici volunt plutimi, adeoque Christum vicissim erga illum fecerisse ut decet filium erga Patrem, & inde omnia ejus magnalia profluuisse.

Hæc sententia est Origenis Homil. 17. in Lucam ab initio: ubi sic loquitur: *Lucas quiscripsit Spiritus sanctus veniet super te, & virtus Altissimi obumbrabit tibi, proper hoc & quod natum fuerit ex te sanctum, vocabitur filius Dei;* & qui manifestè nobis tradidit quoniam Virginis Filius IESVS est, nec de humano conceptus est semine: *Iste Patrem ejus Ioseph testatus est dicens.* Erant Pater illius & mater admirantes super his quæ dicebantur de illo. *Quæ igitur causa extitit ut eum qui Pater non fuit, Patrem esse memoraret?* *Qui simplici expositione contentus est dicit, honoravit eum Spiritus sanctus*

R 13

326 Synopsis Magnalium D. Josephi,

*sanc̄tus Patris vocabulo, quia nutrierat
Salvatorem.*

III. Idem Origenes ibidem Homil. 19. circa medium explicans hæc verba: *Remansit puer Jesus in Ierusalem, & non cognoverunt parentes eius, sic scribit: Quomodo in Ioannis Evangelio scriptum est quando infidiabantur ei iudei, & elapsus est de medio eorum, & non apparuit, sic & nunc puto remansisse puerum in Ierusalem, & parentes eius ubi remanserit ignorasse: Nec miremur parentes vocatos quorum alter ob partum, alter ob obsequium, patris & matris meruerunt vocabula, ita sibi constat in suā opinione Origenes, quem sequuntur alii plurimi.*

IV. Sed nec hæc sententia mihi placet. Primo, quia nutritius præcisè non est Pater, sed tantum gerit se ut Patrem erga prolem alterius ac si ipse esset ejus Pater. Secundo, quia sola nutritio non sufficit ut possit ponи nutritius in Genealogiâ illius quem nutrit: At D. Josephus ponitur in Genealogiâ Salvatoris, & per ipsum ut per Patrem deducitur Genealogia Salvatoris: ergo est aliquid amplius respectu illius quam Nutritius. Tertio, & efficacissime, quia cum Pater nutritione seu educatione tantum, voluntate suā non necessitate seu obligatione nutrit, actus ille nutriendi & voluntas nutriendi (quæ est omnino libera) est primum in Nutricio talis denominationis fundamentum, cùm ad illam nihil aliud præsupponatur. At in Divo Josepho erat obligatio ad alendum Christum in suo Conjugio ex suā uxore à se nullatenus divisâ, sed sibi in fide conjugali inviolatè conjunctâ conceptum, & ex eā natum: non ergo actus, vel etiam affectus seu voluntas alendi fuit in eo primum suę ad Christum Paternitatis fundamentum, sed obligatio illa alendi, seu melius illud ex quo illa obligatio alendi: nec potuit Divo Josephus abdicare à se obligationem alendi Christum, sic ut præfertur in coniugio suo ex suā conjugi inviolatā progenitum, ut potest quivis Pater simpliciter nutritius, ergo Divo Josephus est aliquid amplius quam Pater nutritione.

V. Idipsum confirmatur ex Divo Augustino lib. 2. de Consensu Evangelista-

rum cap. 1. à nobis cap. præcedenti adducto: ubi docet Divum Iosephum fuisse multò conjunctius Patrem Christi ex suā conjuge concepti, quam si aliunde fuisset adoptatus: Cū enim adoptio præter educationem & affectum ac voluntatem alendi, inducat etiam obligationem alendi & alia, manifestum est quod Paternitas ex adoptione stricior sit illa quæ est ex solā nutritione seu educatione: Cū ergo Divus Iosephus ex mente Divi Augustini citati, sit Pater ejus qui ex uxore suā ei conceptus est & natus, multò conjunctius quam si esset aliunde adoptatus, sequitur à fortiori quod multò conjunctius sit Pater illius quam nutritione.

Ut igitur ea quæ haec tenus diximus sub compendio recolligamus, dicendum, quod licet Lucas & Beata Dei para Divum Iosephum vocent Christi Patrem, nefas est tamen dicere ipsum esse illius Patrem generatione. Nihilominus falsum etiam est dicere ipsum esse tantum Patrem illius putaticè, & ex solā vulgi existimatione: quare cum sic ab illis, seu verius à Spiritu sancto per os illorum loquente, Pater vocetur, omnino necessarium est ut aliquā vera ratione sit quod dicatur: ad quod tamen non sufficit quod dicatur Pater nutritione, vel adoptione, quare ulterius progrediendum & videndum quā ergo ratione sit verè Pater Christi? & in quo consistat notio & character hujus admirabilis Paternitatis?

CAPUT VIII.

An possit Divi Josephi Paternitas dici esse substitutionis legalis vel ad illam reduci?

GERTUM est ex dictis cap. 3. per totum & cap. 6. num. 1. Divum Iosephum non esse Patrem Christi generatione, nec affinitate: patet etiam ex duobus Capitibus immediate præcedentibus rationem hujus paternitatis non evanescere per adoptionem vel nutritionem: